

**CYFRIFON SWYDDEFA COMISIYNYDD GWASANAETH IECHYD CYMRU
AR GYFER Y CYFNOD 1 GORFFENNAF 1999 HYD
31 MAWRTH 2000**

Gosodwyd gerbron Cynulliad Cenedlaethol Cymru o dan baragraff 11 Atodlen 1 A o Ddeddf
Comisiynwyr y Gwasanaeth Iechyd 1993

Swyddfa Comisiynydd Gwasanaeth Iechyd Cymru

RHAGAIR I'R CYFRIFON

AR GYFER Y CYFNOD 1 GORFFENNAF 1999 HYD 31 MAWRTH 2000

Gwybodaeth Gefndirol

Sefydlwyd Swyddfa Comisiynydd Gwasanaeth Iechyd Cymru o dan baragraff 1A Deddf Comisiynwyr y Gwasanaeth Iechyd 1993 a daeth i fodolaeth ar 1 Gorffennaf 1999 ar ôl sefydlu Cynulliad Cenedlaethol Cymru. Cyn y cyfnod hwn roedd Swyddfa Comisiynydd Gwasanaeth Iechyd Cymru yn rhan o Swyddfa'r Comisiynydd Seneddol dros Weinyddu a Chomisiynwyr y Gwasanaeth Iechyd. Yn ystod y cyfnod a gwmpesir gan yr adroddiad delid swydd Comisiynydd y Gwasanaeth Iechyd gan y Comisiynydd Seneddol dros Weinyddu.

Wedi sefydlu Cynulliad Cenedlaethol Cymru, newidiodd y trefniadau adrodd ac ariannu o ran Comisiynydd Gwasanaeth Iechyd Cymru i gyd-fynd â phwerau a chyfrifoldebau'r corff etholedig newydd. Ariennir Swyddfa Comisiynydd Gwasanaeth Iechyd Cymru gan y Cynulliad ond mae'n annibynnol arno.

Paratowyd y datganiadau ariannol hyn yn unol â'r cyfarwyddyd a roddwyd gan y Trysorlys yn canlyn paragraff 10 o Atodlen 1A Deddf Comisiynwyr y Gwasanaeth Iechyd 1993 ac maent yn cwmpasu'r cyfnod o 1 Gorffennaf 1999 hyd 31 Mawrth 2000.

Nodau ac Amcanion a'r Prif Bwrpas

Nod Comisiynydd Gwasanaeth Iechyd Cymru yw ymchwilio i gwynion gan aelodau o'r cyhoedd yn erbyn cyrff y Gwasanaeth Iechyd Gwladol yng Nghymru, gan gynnwys cwynion yn erbyn ymarferwyr NHS sy'n darparu gwasanaethau iechyd teuluol.

Mae'r Swyddfa yn hollol annibynnol ar Gabinet Cynulliad Cenedlaethol Cymru, ac mae'n uniongyrchol atebol i Aelodau'r Cynulliad.

Prif bwrpas y Swyddfa yw:

- ystyried cwynion a, lle y bo'n briodol ymchwilio iddynt, gyda'r bwriad o'u datrys mewn modd diduedd ac yn gyflym;
- cyflwyno adroddiadau am y canlyniadau (fel y bo'n briodol) i'r Cynulliad, achwynwyr, a chyrrff y gwnaed cwynion yn eu herbyn;
- sicrhau y rhoddir iawndal priodol ar gyfer cwynion y ceir bod cyfiawnhad drostynt; a
- gyda golwg ar ganfyddiadau ymchwiliadau, hyrwyddo mesurau i wella'r gwasanaethau a ddarperir gan gyrff cyhoeddus o fewn ei hawdurdod.

Y nodau strategol yw:

1. ymdrin â phob cwyn yn ddiuedd, yn wrthrychol, yn effeithiol ac yn gyflym;
2. gwella effeithlonrwydd y Swyddfa; a
3. codi ymwybyddiaeth ymhlith achwynwyr posibl o'r Swyddfa, o'r rheini y gellid disgwyl iddynt droi atynt am gyngor, ac o gyrff o fewn ei hawdurdod a chyfrannu at y gwaith o ddatblygu arfer da wrth ymdrin â chwynion.

Yn Atodlen 5 i'r cyfrifon hyn ceir Datganiad Adnoddau yn ôl Nodau Adrannol. Mae'r datganiad hwn yn nodi'r gost o ymdrin â phob cwyn yn ddiuedd, yn wrthrychol, yn effeithiol ac yn gyflym.

Mae Grwp Gwasanaethau Canolog Swyddfa'r Comisiynydd Seneddol dros Weinyddu a Chomisiynwyr y Gwasanaeth Iechyd yn cyfrannu at nodau strategol y Swyddfa trwy ddarparu gwasanaethau i Gomisiynydd Gwasanaeth Iechyd Cymru. Mae'r gwasanaethau hyn yn cynnwys Adnoddau Dynol, Arian, TG, Rheoli Cyfleusterau ac Eiddo, Gwasanaethau Llyfrgelloedd a Gwybodaeth a Chyhoeddusrwydd a Marchnata. Hefyd y grwp yw'r prif ryngwyneb rhwng y Swyddfa ac adrannau canolog y llywodraeth gan gynnwys y Trysorlys a Swyddfa'r Cabinet ar faterion nad ydynt yn ymwneud â gwaith achos.

Adroddiad Blynyddol

Mae Adroddiad Adrannol Swyddfa'r Cabinet, a gyhoeddwyd ym mis Ebrill 2000, yn cynnwys gweithgareddau a chyflawniadau Comisiynydd Gwasanaeth Iechyd Cymru, Ombwdsmon Gweinyddiaeth Cymru, y Comisiynydd Seneddol dros Weinyddu, Comisiynydd Senedd yr Alban dros Weinyddu a Chomisiynwyr y Gwasanaeth Iechyd yn Lloegr ac yn yr Alban. Mae hefyd yn amlinellu datblygiadau arfaethedig ar gyfer y dyfodol ac yn dadansoddi alldro gwariant ariannol dros y pum mlynedd flaenorol ac yn nodi'r cynlluniau ariannol ar gyfer y ddwy flynedd nesaf.

Mae adroddiad blynyddol Comisiynydd y Gwasanaeth Iechyd, a gyhoeddwyd ym mis Hydref 2000, yn cynnwys manylion am nifer y cwynion a dderbyniwyd gan y Swyddfa yn ystod y flwyddyn, gan gynnwys y nifer yr ymchwiliwyd iddynt neu a dderbyniwyd gan y Swyddfa er mwyn iddi ymchwilio iddynt. Mae hefyd yn nodi faint o ymchwiliadau a gwblhawyd. Yn ogystal mae'r adroddiad yn darparu arfarniad o faint o amser a gymerwyd ar gyfartaledd i gwblhau ymchwiliadau yn erbyn cerrig milltir y cytunwyd arnynt, gwybodaeth am gyflawniadau pwysig trwy gydol y flwyddyn, a chrynodeb o'r blaenoriaethau ar gyfer y flwyddyn i ddod.

Canlyniadau ar gyfer y cyfnod

Y gost weithredu glir ar gyfer y cyfnod oedd £256,000. Mae hyn yn cynnwys elfennau nad ydynt yn rhai ariannol ar gyfer cyflog Comisiynydd Gwasanaeth Iechyd Cymru, a delir o'r Gronfa Gyfunol, a chost dybiannol tâl cyfalaf i'r Swyddfa. Ceir manylion y costau hyn yn nodiadau 2 a 3 i'r cyfrifon. Ar 31 Mawrth 2000 cyfanswm y dyledion clir oedd £2,000 a thelir y rhain o grant 2000-01 a delir gan y Cynulliad.

Comisiynydd Gwasanaeth Iechyd Cymru

Penodir i Swydd Comisiynydd Gwasanaeth Iechyd Cymru gan y Goron ar gyngor Ysgrifennydd Gwladol Cymru. Penodwyd Michael Buckley, y Comisiynydd Seneddol dros Weinyddu a Chomisiynwyr y Gwasanaeth Iechyd (a leolir yn Llundain), i'r Swydd dros dro hyd nes i'r Cynulliad wneud trefniadau eraill.

Grwp Rheoli

Cynghorir Comisiynydd Gwasanaeth Iechyd Cymru a rhoddir cymorth iddo wrth gyflawni ei ddyletswyddau statudol gan aelodau hyn o staff Swyddfa'r Comisiynydd Seneddol dros Weinyddu a Chomisiynwyr y Gwasanaeth Iechyd. Ar 31 Mawrth 2000, yr aelodau hyn o staff oedd:

Mr M S Buckley	L i aComisiynydd
Ms H Scott	Dirprwy Gomisiynydd y Gwasanaeth Iechyd
Mr J Avery	Dirprwy Gomisiynydd Seneddol dros Weinyddu
Mr J Stevens	Cyfarwyddwr Gwasanaethau Canolog

Taliadau i'r Comisiynydd ac i Aelodau'r Grwp Rheoli

O dan Ddeddf Llywodraeth Cymru 1998, nid oes gan Gomisiynydd Gwasanaeth Iechyd Cymru hawl i unrhyw gyflog am y penodiad gan mai ef yw'r Comisiynydd Seneddol hefyd. Fel y Comisiynydd Seneddol, fe'i telir fel pe bai'n Ysgrifennydd Parhaol yn y Gwasanaeth Sifil Cartref ar gyflog sy'n cyfateb i gyflog Barnwr yn Uchel Lys Lloegr, er na ffurfiolwyd y cysylltiad hwn â chyflog Barnwr yn yr Uchel Lys. Codir cyflog y Comisiynydd, y mae ei lefel yn cael ei harolygu yn flynyddol, yn uniongyrchol o'r Gronfa Gyfunol.

Mae'r tâl i aelodau'r Grwp Rheoli'n seiliedig ar berfformiad ac fe'i pennir trwy Strwythur y Gwasanaeth Sifil Hyn yn unol â'r rheolau a nodir ym mhennod 7.1, Atodlen A o God Rheolwyr y Gwasanaeth Sifil.

Rhwymedigaethau Pensiwn

Cyflawnir rhwymedigaethau pensiwn y Swyddfa o ran ei chyflogeion presennol a chyn gyflogeion trwy Brif Gynllun Pensiwn y Gwasanaeth Sifil (PCSPS) sy'n anghyfrannol ac nas ariennir. Er y diffinnir y PCSPS fel cynllun â buddiannau terfynol mae'r Swyddfa'n cwrdd â chost yr yswiriant pensiwn a ddarperir ar gyfer ei staff trwy dalu'r costau ar sail gronniadol.

Polisi Cyflogaeth

Mae Swyddfa Comisiynydd Gwasanaeth Iechyd Cymru wedi ymrwymo i sicrhau cydraddoldeb cyfle ar gyfer pob aelod o'i staff. Ymrwymodd y Swyddfa i gydymffurfio â darpariaethau Deddf Gwahaniaethu ar Sail Anabledd 1995, yn ogystal ag i fodloni gofynion statudol eraill hefyd.

Anogir datblygiad personol trwy hyfforddiant, a lle y mae'n gysylltiedig â swydd, darperir cymorth ariannol. Asesir aelodau o staff sy'n gweithio llai o oriau ar yr un sail yn union â'r rhai sy'n gweithio'n llawn amser. Mae cyfleusterau lles ar gael i aelodau o staff a gallant ymuno ag undeb llafur a chael eu cynrychioli gan undeb.

Mae'r Swyddfa yn cydymffurfio â Gorchymyn Cyfrin-Gyngor y Gwasanaeth Sifil 1995 ac mae'n recriwtio ar yr egwyddor y dewisir ymgeiswyr yn ôl eu teilyngdod trwy gystadleuaeth deg ac agored yn unol â chanllawiau a gyhoeddir gan God Recriwtio Comisiynwyr y Gwasanaeth Sifil.

Datganiad Arfer Talu

Mae'r Swyddfa wedi ymrwymo i gydymffurfio â'r Safon Brydeinig ar gyfer Sicrhau Perfformiad Da o ran Talu mewn Trafodion Masnachol (BS 7890). Y polisi parthed talu yw talu anfonebau yn unol ag amodau cytundebol y cytunwyd arnynt neu, pan nad yw'r fath amodau cytundebol yn bod, o fewn 30 diwrnod iddi dderbyn nwyddau a gwasanaethau neu i anfoneb ddilys gael ei chyflwyno, p'un bynnag yw'r diweddaraf. Yn ystod 1999-00 talwyd 96.48 y cant o anfonebau yn unol â'r polisi hwn.

Archwilwyr

Archwilir cyfrifon Comisiynydd Gwasanaeth Iechyd Cymru gan Archwiliwr Cyffredinol Cymru yn unol â Pharagraff 11(2) Atodlen 1A o Ddeddf Comisiynwyr y Gwasanaeth Iechyd 1993.

Digwyddiadau ers diwedd y Flwyddyn Ariannol

Ni fu unrhyw ddigwyddiad ers dyddiad y Fantolen a gâi effaith ar y datganiadau ariannol ar gyfer y cyfnod hyd at 31 Mawrth 2000.

M.S. Buckley

30 Mawrth 2001

Swyddog Cyfrifo

Swyddfa Comisiynydd Gwasanaeth Iechyd Cymru

Datganiad o Gyfrifoldeb y Swyddog Cyfrifo

1. O dan Ddeddf Comisiynwyr y Gwasanaeth Iechyd 1993 mae'n ofynnol i Swyddfa Comisiynydd Gwasanaeth Iechyd Cymru baratoi cyfrifon adnoddau ar gyfer pob blwyddyn ariannol, yn unol â chyfarwyddyd y Trysorlys, gan fanylu ar yr adnoddau a gaffaelwyd, a ddelir, neu a werthwyd yn ystod y flwyddyn a'r defnydd a wnaed o adnoddau gan y Comisiynydd yn ystod y flwyddyn.
2. Paratuir y cyfrifon adnoddau ar sail groniatol ac mae'n rhaid iddynt roi darlun cywir a theg o sefyllfa'r Swyddfa, yr alldro clir o ran adnoddau, yr adnoddau a gymhwyswyd at amcanion, enillion a cholledion cydnabyddedig a llifau arian ar gyfer y flwyddyn ariannol.
3. Comisiynydd Gwasanaeth Iechyd Cymru yw'r Swyddog Cyfrifo ar gyfer ei Swyddfa yn rhinwedd Deddf Comisiynwyr y Gwasanaeth Iechyd 1993. Mae'n gyfrifol am baratoi cyfrifon y Swyddfa ac am eu trosglwyddo i Archwiliwr Cyffredinol Cymru.
4. Wrth baratoi'r cyfrifon mae'n ofynnol i'r Swyddog Cyfrifo gydymffurfio â'r Llawlyfr Cyfrifo Adnoddau a baratowyd gan y Trysorlys, ac yn arbennig mae'n ofynnol iddo:
 - dilyn y gofynion perthnasol o ran cyfrifo a datgelu, a gweithredu polisiau cyfrifo addas yn gyson;
 - rhoi ei farn a bwrw amcangyfrifon yn rhesymol;
 - datgan a ddilynwyd safonau cyfrifo perthnasol, fel y nodir yn y Llawlyfr Cyfrifo Adnoddau, a datgelu ac esbonio unrhyw wriadau pwysig yn y cyfrifon;
 - paratoi'r cyfrifon ar sail busnes gweithredol.
5. Nodir cyfrifoldebau'r Swyddog Cyfrifo, gan gynnwys ei gyfrifoldeb dros briodoldeb a chysondeb yr arian cyhoeddus y mae Swyddog Cyfrifo yn atebol amdano, am gadw cofnodion cywir ac am ddiogelu asedau'r Swyddfa ym memorandum y Swyddogion Cyfrifo, a ryddhawyd gan Drysorlys EM a'i gyhoeddi yn *Government Accounting*.

M.S. Buckley
Swyddog Cyfrifo

30 Mawrth 2001

Swyddfa Comisiynydd Gwasanaeth Iechyd Cymru

Datganiad ar y System Rheoli Arian Fewnol

1. Gwneir y datganiad hwn mewn perthynas â chyfrif adnoddau Comisiynydd Gwasanaeth Iechyd Cymru. Fel Swyddog Cyfrifo'r Swyddfa, rwyf yn cydnabod fy nghyfrifoldeb dros sicrhau y cynhelir system rheoli arian fewnol effeithiol ac y caiff ei gweithredu mewn cysylltiad â'r adnoddau dan sylw.
2. Dim ond sicrwydd rhesymol bod asedau wedi'u diogelu, trafodion wedi'u hawdurdodi a'u cofnodi'n gywir, a bod camgymeriadau neu anghysondebau sylweddol naill ai'n cael eu hatal neu y deuid o hyd iddynt o fewn cyfnod amserol y gall y system rheoli arian fewnol ei ddarparu, nid sicrwydd llwyr.
3. Mae'r system rheoli arian fewnol yn seiliedig ar fframwaith o wybodaeth reoli gyson, rheoliadau a dirprwyaethau ariannol, gweithdrefnau gweinyddol gan gynnwys cadw dyletswyddau ar wahân, goruchwyliaeth gan reolwyr a system ddirprwyo ac atebolrwydd. Ymgwymerir â'r gwaith o ddatblygu a chynnal y system gan reolwyr gweithredol o fewn Swyddfa'r Comisiynydd Seneddol dros Weinyddu a Chomisiynwyr y Gwasanaeth Iechyd.

Yn arbennig mae'r system yn cynnwys:

- system gyllidebu a chyflwyno adroddiadau gynhwysfawr, gyda chyllidebau blynyddol y cytunwyd arnynt ar gyfer holl reolwyr canolfannau cost ac adroddiadau ariannol misol wedi'u paratoi ar gyfer rheolwyr canolfannau cost ac aelodau'r Grwp Rheoli;
 - gosod targedau i fesur perfformiad ariannol a pherfformiad arall;
 - paratoi adroddiadau ariannol rheolaidd sy'n nodi gwir wariant yn erbyn rhagolygon;
 - adolygiadau rheolaidd gan y Grwp Rheoli, o bob adroddiad cyfnodol ac ariannol sy'n nodi perfformiad ariannol yn erbyn y perfformiad a ragwelwyd;
 - canllawiau pendant ar gyfer rheoli buddsoddiad cyfalaf;
 - Pwyllgor Archwilio, sy'n cyfarfod yn rheolaidd i adolygu systemau, rheolaethau a datblygiadau ariannol.
4. Mae'r Swyddfa yn defnyddio gwasanaeth archwiliad mewnol yr Adran Addysg a Chyflogaeth, sy'n gweithredu i safonau a ddiffinnir yn Llawlyfr Archwiliad Mewnol y Llywodraeth. Mae'r gwaith a gyflawnir trwy gyfrwng archwiliad mewnol bob blwyddyn yn canolbwyntio ar y meysydd hynny a aseswyd gan yr archwilwyr mewnol fel y rhai â'r risg fwyaf neu lle y mae rheolwyr mewnol wedi gofyn am adolygiad. Ategir y dadansoddiad risg a'r dadansoddiad o gynlluniau'r archwiliad mewnol gan Bwyllgor Archwilio'r Swyddfa ac fe'u cymeradwyir o leiaf yn flynyddol, gennyf i. Mae Pennaeth yr Adran Archwiliad Mewnol yn fy hysbysu yn uniongyrchol, trwy gyfrwng Datganiad Sicrwydd, o'i farn ynghylch pa mor ddigonol ac effeithiol yw'r system rheoli arian fewnol.
 5. Llywir fy adolygiad o effeithiolrwydd y system rheoli arian fewnol gan waith yr archwilwyr mewnol a'r rheolwyr gweithredol o fewn Swyddfa'r Comisiynydd Seneddol dros Weinyddu a Chomisiynwyr y Gwasanaeth Iechyd a'r rhai yn Swyddfa Comisiynydd Gwasanaeth Iechyd Cymru sy'n gyfrifol am ddatblygu a chynnal y fframwaith rheoli arian, a chan sylwadau a wneir gan yr archwilwyr allanol yn eu llythyr rheoli ac mewn adroddiadau eraill.

Gweithredu Adroddiad Turnbull

6. Fel y Swyddog Cyfrifo, rwyf yn ymwybodol o argymhellion Pwyllgor Turnbull ac rwyf yn cymryd camau rhesymol i gydymffurfio â gofyniad y Trysorlys bod datganiad rheoli mewnol yn cael ei baratoi yn unol ag arweiniad a gyhoeddir ganddo.

M.S. Buckley
Swyddog Cyfrifo

30 Mawrth 2001

TYSTYSGRIF AC ADRODDIAD ARCHWILIWR CYFFREDINOL CYMRU I AELODAU CYNULLIAD CENEDLAETHOL CYMRU

Ardystiaf i mi archwilio'r datganiadau ariannol ar dudalennau 11 i 23 yn unol â Pharagraff 11(2) Atodlen 1A o Ddeddf Comisiynwyr y Gwasanaeth Iechyd 1993. Paratowyd y datganiadau ariannol hyn o dan y confensiwn cost hanesyddol a'r polisïau cyfrifo a nodir ar dudalennau 16 a 17.

Priod gyfrifoldebau'r Swyddog Cyfrifo a'r Archwiliwr

Fel y disgrifiwyd ar dudalen 6 mae'r Swyddog Cyfrifo'n gyfrifol am baratoi'r datganiadau ariannol ac am sicrhau bod trafodion ariannol yn gyson. Mae'r Swyddog Cyfrifo hefyd yn gyfrifol am baratoi'r Rhagair. Mae fy nghyfrifoldebau i, fel archwiliwr annibynnol, wedi'u sefydlu gan statud ac fe'u cyfarwyddir gan y Bwrdd Arferion Archwilio a chan arweiniad moesegol y proffesiwn archwilio.

Rwyf yn datgan fy marn ynghylch a yw'r datganiadau ariannol yn rhoi darlun cywir a theg ac a baratowyd hwy yn unol â Deddf Comisiynwyr y Gwasanaeth Iechyd 1993 ac â chyfarwyddiadau'r Trysorlys a wnaed o dan y ddeddf honno, ac, ym mhob ffordd berthnasol, a gymhwyswyd y gwariant at y dibenion a fwriadwyd gan Gynulliad Cenedlaethol Cymru ac a yw'r trafodion ariannol yn cydymffurfio â'r awdurdodau sy'n eu rheoli. Rwyf hefyd yn nodi os nad yw'r Rhagair yn gyson â'r datganiadau ariannol, os na chadwodd y Swyddfa gofnodion cyfrifo cywir, neu os na dderbyniais yr holl wybodaeth ac esboniadau sydd eu hangen arnaf ar gyfer fy archwiliad yn fy marn i.

Rwyf yn adolygu a yw'r datganiad ar dudalennau 7 ac 8 yn adlewyrchu'r graddau y mae'r Swyddfa'n cydymffurfio ag arweiniad y Trysorlys 'Rheolaeth gorfforaethol: datganiad ar y system rheoli arian fewnol'. Rwyf yn datgan os na fydd yn cwrdd â'r gofynion a nodir gan y Trysorlys, neu os bydd y datganiad yn gamarweiniol neu'n anghyson â gwybodaeth arall yr wyf yn ymwybodol ohoni o'm harchwiliad o'r datganiadau ariannol.

Sail y farn

Cynheliais fy archwiliad yn unol â Safonau Archwilio a gyhoeddwyd gan y Bwrdd Arferion Archwilio. Mae archwiliad yn cynnwys archwilio, ar sail prawf, wybodaeth sy'n berthnasol i'r symiau, y datgeliadau a chysondeb y trafodion ariannol a geir yn y datganiadau ariannol. Mae hefyd yn cynnwys asesiad o'r amcangyfrifon a'r dyfarniadau pwysig a wnaed gan y Swyddfa wrth baratoi'r datganiadau ariannol, ac o b'un a yw'r polisïau cyfrifo'n briodol i amgylchiadau'r Swyddfa, a gânt eu gweithredu'n gyson a'u datgelu'n ddigonol.

Cynlluniais a chyflawnais fy archwiliad yn y fath fodd fel ag i gael yr holl wybodaeth a'r holl esboniadau yr oeddwn o'r farn eu bod yn angenrheidiol i ddarparu digon o dystiolaeth ar fy nghyfer fel y gallwn roi sicrwydd rhesymol bod y datganiadau ariannol yn rhydd o gamddatganiad pwysig, p'un a achoswyd hyn trwy gamgymeriad, neu dwyll neu drwy ryw anghysondeb arall ac, ym mhob ffordd berthnasol, y cymhwyswyd y gwariant at y dibenion a fwriadwyd gan Gynulliad Cenedlaethol Cymru a bod y trafodion ariannol yn cydymffurfio â'r awdurdodau sy'n eu rheoli. Wrth ffurfio fy marn gwerthusais hefyd pa mor ddigonol, yn gyffredinol, yw'r modd y cyflwynir y wybodaeth yn y datganiadau ariannol.

Barn

Yn fy marn i:

- mae'r datganiadau ariannol yn rhoi darlun cywir a theg o sefyllfa Comisiynydd Gwasanaeth Iechyd Cymru ar 31 Mawrth 2000 ac o'r alldro clir o ran adnoddau, yr adnoddau a gymhwyswyd at amcanion, enillion a cholledion cydnabyddedig a llifau arian ar gyfer y cyfnod a ddaeth i ben bryd hynny ac fe'u paratowyd yn gywir yn unol â Deddf Comisiynwyr y Gwasanaeth Iechyd 1993 ac â chyfarwyddiadau a wnaed o dan y ddeddf honno gan y Trysorlys; ac
- ym mhob ffordd berthnasol defnyddiwyd y gwariant at y dibenion a fwriadwyd gan Gynulliad Cenedlaethol Cymru ac mae'r trafodion ariannol yn cydymffurfio â'r awdurdodau sy'n eu rheoli.

Nid oes unrhyw sylwadau gennyf i'w gwneud ar y datganiadau ariannol hyn.

John Bourn
Archwiliwr Cyffredinol Cymru
27 Ebrill 2001

Cynulliad Cenedlaethol Cymru
Bae Caerdydd
CAERDYDD CF99 1NA

Atodlen 1

SWYDDFA COMISIYNYDD GWASANAETH IECHYD CYMRU

CRYNODEB O ALLDRO ADNODDAU

Ar gyfer y cyfnod 1 Gorffennaf 1999 hyd 31 Mawrth 2000

	Gwariant Crynswth £000	Incwm £000	Cyfanswm Clir £000
Costau gweinyddol	251	-	251

Cysoni alldro adnoddau â gofyniad arian parod clir

Cyfanswm alldro adnoddau clir (Atodlen 2)

Addasiadau croniadau:

Eitemau nad ydynt yn arian parod (Nodyn 3)

Newidiadau mewn cyfalaf gweithredol

ar wahân i arian parod (Nodyn 6)

Gofyniad Arian Parod Clir (Atodlen 4)

£000
251
-
(2)
249

1. Am ddadansoddiad o wariant alldro, gweler Atodlen 2 a Nodiadau 2 a 3 i'r cyfrifon hyn.

Mae'r nodiadau ar dudalennau 16 i 23 yn rhan o'r cyfrifon hyn.

Atodlen 2

SWYDDFA COMISIYNYDD GWASANAETH IECHYD CYMRU

DATGANIAD COST WEITHREDU

Ar gyfer y cyfnod 1 Gorffennaf 1999 hyd 31 Mawrth 2000

	Nodyn	1999-00 £000
Costau gweinyddol:		
Costau staff	2	160
Costau gweinyddol eraill	3	96
Costau Gweinyddol Crynswth		256
Incwm gweithredu		-
Costau Gweinyddol Clir		256
COSTAU GWEITHREDU CLIR	5	256
ALLDRO ADNODDAU CLIR	5	251

Dechreuodd pob gweithgaredd yn ystod y cyfnod ac maent yn parhau. Nid oes unrhyw enillion na cholledion cydnabyddedig ar wahân i'r rhai a nodir yn y Datganiad Cost Weithredu.

Mae'r nodiadau ar dudalennau 16 i 23 yn rhan o'r cyfrifon hyn.

Atodlen 3

SWYDDFA COMISIYNYDD GWASANAETH IECHYD CYMRU

MANTOLEN Ar 31 Mawrth 2000

	Nodyn	1999-00 £000
Asedau Cyfredol		
Dyledwyr sy'n ddyledus o fewn blwyddyn	7	8
Arian yn y Banc ac mewn llaw	8	-
Credydwyr sy'n ddyledus o fewn blwyddyn	9	(10)
Dyledion Cyfredol Clir		<hr/> (2) <hr/>
Ecwiti Trethdalwyr		
Cronfa Gyffredinol	13	<hr/> (2) <hr/>

M S Buckley
Swyddog Cyfrifo

30 Mawrth 2001

Mae'r nodiadau ar dudalennau 16 i 23 yn rhan o'r cyfrifon hyn.

Atodlen 4

SWYDDFA COMISIYNYDD GWASANAETH IECHYD CYMRU

DATGANIAD LLIF ARIAN

Ar gyfer y cyfnod 1 Gorffennaf 1999 hyd 31 Mawrth 2000

	Nodyn	1999-00 £000
All-lif arian clir o weithrediadau		(249)
Cyllid gan Gynulliad Cenedlaethol Cymru		249
Cynnydd / (Gostyngiad) mewn arian parod		-
Nodiadau i'r Datganiad Llif Arian		
Cysoni'r gost weithredu â llifau arian gweithredu		
Cost gweithredu glir		256
Gwasanaethau Sefydlog y Gronfa Gyfunol (cyfran o Gyflog y Comisiynydd Seneddol)		(5)
Addasu ar gyfer:		
Eitemau eraill nad ydynt yn arian parod	3	-
Symudiadau mewn cyfalaf gweithredol ar wahân i arian parod	6	(2)
All-lif arian clir o weithrediadau		249
Dadansoddiad o gyllid		
Gan Gynulliad Cenedlaethol Cymru		249
(Cynnydd) / Gostyngiad mewn arian parod		-
Gofyniad arian parod clir (Atodlen 1)		249

Mae'r nodiadau ar dudalennau 16 i 23 yn rhan o'r cyfrifon hyn.

Atodlen 5

SWYDDFA COMISIYNYDD GWASANAETH IECHYD CYMRU

ADNODDAU YN ÔL NODAU ADRANNOL

Ar gyfer y cyfnod 1 Gorffennaf 1999 hyd 31 Mawrth 2000

	1999-00		
	Crynswth	Incwm	Clir
	£000	£000	£000
Amcan: Ymdrin â phob cwyn a gyfeiriwyd at Gomisiynydd Gwasanaeth Iechyd Cymru yn ddiduedd, yn wrthrychol, yn effeithiol ac yn gyflym.	256	-	256
Costau Gweithredu Clir	256	-	256

Mae'r nodiadau ar dudalennau 16 i 23 yn rhan o'r cyfrifon hyn.

Nodiadau i'r Cyfrifon Adnoddau

1. Datganiad Polisiâu Cyfrifo

Paratowyd y datganiadau ariannol yn unol â'r Llawlyfr Cyfrifo Adnoddau a gyhoeddwyd gan Drysorlys EM. Disgrifir isod y polisiâu cyfrifo penodol a fabwysiadwyd gan Swyddfa Comisiynydd Gwasanaeth Iechyd Cymru. Fe'u gweithredwyd yn gyson wrth ymdrin ag eitemau yr ystyriwyd eu bod yn berthnasol mewn cysylltiad â'r cyfrifon. Gan mai dim ond ar 1 Gorffennaf 1999 y daeth y Swyddfa i fodolaeth, nid oes unrhyw ffigurau cymharol ar gyfer blynyddoedd blaenorol.

Confensiwn Cyfrifo

- 1.1 Paratowyd y cyfrifon hyn o dan y confensiwn cost hanesyddol wedi'i addasu i egluro'r ailbrisiad o asedau sefydlog a stoc, lle y bo'n berthnasol, yn ôl eu gwerth i'r busnes trwy gyfeirio at eu cost gyfredol.

Asedau Sefydlog Diriaethol

- 1.2 Ni ddaliai Swyddfa Comisiynydd Gwasanaeth Iechyd Cymru unrhyw asedau sefydlog ar 31 Mawrth 2000. Telir tâl gwasanaeth sy'n daladwy i Swyddfa'r Comisiynydd Seneddol dros Weinyddu ar gyfer defnyddio ei hoffer yn ystod y cyfnod y mae'n digwydd.

Tâl Cyfalaf

- 1.3 Cynhwysir tâl cyfalaf nad yw'n arian parod, sy'n adlewyrchu cost cyfalaf a ddefnyddiwyd gan Swyddfa Comisiynydd Gwasanaeth Iechyd Cymru, yn y costau gweithredu ac fe'i cyfrifir ar chwech y cant mewn termau real ar bob ased llai dyledion ar wahân i weddillion arian gyda Swyddfa'r Tâl-feistr Cyffredinol.

Treth Ar Werth

- 1.4 Ni chofrestrwyd Swyddfa Comisiynydd Gwasanaeth Iechyd Cymru ar gyfer TAW yn ystod y cyfnod. Codir TAW na ellir ei hadennill ar y pennawd costau mwyaf priodol.

Pensiynau

- 1.5 Cwmpesir cyflogeion presennol a chyn gyflogeion gan ddarpariaethau Prif Gynllun Pensiwn y Gwasanaeth Sifil (PCSPS) sy'n anghyfrannol ac nas ariennir. Er bod y Cynllun yn gynllun â buddiannau diffiniedig, cyfrifoldeb y PCSPS yw talu buddiannau yn y dyfodol. Mae adrannau, asiantaethau a chyrff eraill a gynhwysir gan y PCSPS yn cwrdd â chost yswiriant pensiwn a ddarperir ar gyfer y staff a gyflogir ganddynt trwy wneud taliadau a gyfrifir ar sail gronïadol. Ceir datganiad cynllun ar wahân ar gyfer y PCSPS fel cyfanwaith.

Prydlesi Gweithredu

- 1.6 Rhoddir gwariant o dan brydlesi gweithredu ar y Datganiad Cost Weithredu yn y cyfnod pan fydd yn digwydd.

Costau Staff a Chostau Gweinyddol Eraill

- 1.7 Codwyd yr holl gostau cyflogau a chostau cysylltiedig ar gyfer staff a leolir yn Swyddfa Comisiynydd Gwasanaeth Iechyd Cymru ar y cyfrifon hyn a hynny'n llawn.

Dyrennir pob gwariant arall a wneir ar ran Comisiynydd Gwasanaeth Iechyd Cymru i'r cyfrifon a'i godi arnynt yn unol â'r polisiau a nodir isod (yn i-iii). Bwriedir i'r dulliau dyrannu costau roi'r adlewyrchiad mwyaf manwl o gostau rhedeg Swyddfa Comisiynydd Gwasanaeth Iechyd Cymru.

- i) Yn ystod y flwyddyn bu Cyfarwyddwr Gweithredol, wedi'i leoli yn Swyddfa'r Comisiynydd Seneddol dros Weinyddu a Chomisiynwyr y Gwasanaeth Iechyd, yn rheoli uned ymchwilio Swyddfa Comisiynydd Gwasanaeth Iechyd Cymru. Codir costau cyflog y Cyfarwyddwr a chostau cysylltiedig, gan gynnwys costau ei ysgrifennydd personol, ar Swyddfa Comisiynydd Gwasanaeth Iechyd Cymru ar sail sy'n gymesur â'i raniad cyfrifoldebau. Ar gyfer y cyfnod 1 Gorffennaf 1999 hyd 31 Mawrth 2000 daeth hyn i 50 y cant o gostau cyflog a chostau cysylltiedig y Cyfarwyddwr;
- ii) Dyrennir deg y cant o gostau cyflog Dirprwy Gyfarwyddwr y Gwasanaeth Iechyd a chostau cysylltiedig, gan gynnwys costau ei ysgrifennydd personol, i Gomisiynydd Gwasanaeth Iechyd Cymru;
- iii) Dyrennir costau gorbenion a delir gan Swyddfa'r Comisiynydd Seneddol dros Weinyddu a Chomisiynwyr y Gwasanaeth Iechyd, megis cyflogau Gwasanaethau Canolog, costau gweinyddol canolog eraill, ac asedau a dyledion cyfredol, yn seiliedig ar nifer yr unigolion dan sylw i Swyddfa Comisiynydd Gwasanaeth Iechyd Cymru a Swyddfa Ombwdsmon Gweinyddiaeth Cymru. Mae'r ganran a ddefnyddir ar gyfer y cyfnod 1 Gorffennaf 1999 hyd 31 Mawrth 2000 yn dri y cant; fe'i rhennir ymhellach ar gymhareb o 6:1 rhwng Comisiynydd Gwasanaeth Iechyd Cymru ac Ombwdsmon Gweinyddiaeth Cymru yn y drefn honno.

2. Niferoedd a Chostau Staff

Roedd nifer y bobl ar gyfartaledd a gyflogwyd mewn swyddi cyfartal â llawn amser (gan gynnwys uwch reolwyr) yn ystod y flwyddyn fel a ganlyn:

	1999-00
	Rhif
Swyddfa Comisiynydd Gwasanaeth Iechyd Cymru	5
Staff sefydlu a staff cynorthwyol	1
	<hr/>
	6

Roedd costau cyflogres crynswth y bobl hyn fel a ganlyn:

	1999-00
	£000
Cyflogau	131
Costau Nawdd Cymdeithasol	10
Costau Pensiwn Eraill	19
	<hr/>
	160

Mae cyflogau'n cynnwys hawliau neilltuedig lwfansau Llundain, lwfansau recriwtio a chadw staff, lwfansau swyddfeydd preifat a bonws a dalwyd yn ystod y flwyddyn. Ar gyfer 1999/00 talwyd cyfraniadau o £19,000 i'r PCSPS ar gyfraddau a bennwyd gan Actiwari'r Llywodraeth ac a argymhellwyd gan Drysorlys EM. Roedd y cyfraddau hyn yn yr ystod o 12.0 i 18.5 y cant o gyflogau pensiynadwy.

Delir Swydd Comisiynydd Gwasanaethau Iechyd Cymru gan y Comisiynydd Seneddol dros Weinyddu. Penodir Comisiynydd Gwasanaeth Iechyd Cymru gan y Frenhines EM, ac mae'n hollol annibynnol ar Gynulliad Cenedlaethol Cymru. Telir cyflog y Comisiynydd Seneddol o'r Gronfa Gyfunol ac mae'n cyfateb i gyflog Barnwr Grwp 4 yn yr Uchel Lys. Ar gyfer y flwyddyn a ddaeth i ben ar 31 Mawrth 2000 y cyfanswm a dalwyd ar gyfer cyflog y Comisiynydd oedd £122,381. Ar 31 Mawrth 2000 gwerth cronodig ei bensiwn oedd £4,000. Cynhwyswyd dyraniad o'r gost hon o fewn y cyfrifon hyn ar gyfer ei benodiad fel Comisiynydd Gwasanaeth Iechyd Cymru ar sail y polisi fel y'i nodir yn Nodyn 1.

Roedd hawliau cyflog a phensiwn uwch reolwyr y Swyddfa fel a ganlyn:

Enw a theitl	Cyflog gan gynnwys tâl ar sail perfformiad	Gwir gynnydd mewn pensiwn yn 60 oed	Cyfanswm y pensiwn cronodig yn 60 oed ar 31 Mawrth 2000
	£000	£000	£000
John AVERY <i>Dirprwy Gomisiynydd Seneddol dros Weinyddu</i>	105 – 110	5 – 7.5	45 - 50
Hilary SCOTT <i>Dirprwy Gomisiynydd y Gwasanaeth Iechyd</i>	85 – 90	0 – 2.5	0 – 5
John STEVENS <i>Cyfarwyddwr Gwasanaethau Canolog a Phrif Sefydliadau a Swyddog Cyllid</i>	75 – 80	10 – 12.5	25 – 30

Mae'r ffigurau cyflogau a phensiynau a ddarperir yn y tabl uchod yn cynrychioli hawliau llawn. Cynhwyswyd dyraniad o'r costau hyn o fewn y cyfrifon hyn.

Mae "Cyflog" yn cynnwys cyflog crynswth; tâl ar sail perfformiad neu fonws; goramser; hawliau neilltuedig i lwfansau Llundain; lwfansau recriwtio a chadw staff ac unrhyw lwfans arall i'r graddau y mae'n ddarostyngedig i drethi'r DU. Nid yw gwerth ariannol amcangyfrifedig buddiannau mewn da yn rhan o "gyflogau" at ddibenion datgelu o dan gyfrifo adnoddau.

Ar wahân i'r Comisiynydd Seneddol, darperir buddiannau pensiwn trwy Brif Gynllun Pensiwn y Gwasanaeth Sifil (PCSPS). Cynllun statudol ydyw sy'n darparu buddiannau ar sail "cyflog terfynol" yn 60 oed, sef yr oedran ymddeol arferol. Mae buddiannau'n cronni yn ôl cyfradd o 1/80fed o'r cyflog pensiynadwy ar gyfer pob blwyddyn o wasanaeth. Yn ogystal, mae cyfandaliad sy'n cyfateb i dair blynedd o bensiwn yn daladwy ar ôl ymddeol. Mae'r aelodau'n talu cyfraniadau o 1.5 y cant o enillion pensiynadwy. Mae taliadau pensiwn yn cynyddu yn unol â'r Mynegrif Prisiau Manwerthu. Ar ôl marw, mae pensiynau'n daladwy i wr neu wraig briod sy'n fyw ar gyfradd o hanner pensiwn yr aelod. Os bydd yr aelod yn marw tra'n dal i weithio mae'r cynllun yn talu budd cyfandaliad o ddwywaith y cyflog pensiynadwy ac mae hefyd yn ychwanegu swm yn seiliedig ar wasanaeth yr aelod wrth gyfrif pensiwn y priod. Mae'r swm a ychwanegir yn dibynnu ar hyd y gwasanaeth ac ni all fod yn fwy na 10 mlynedd. Gall aelod ymddeol am resymau meddygol os bydd yn ddifrifol wael ei iechyd. Yn yr achos hwn, telir pensiynau ar unwaith heb eu gostwng yn actiwaraidd a chyda thaliadau ychwanegol yn seiliedig ar wasanaeth fel yn achos pensiynau gwyr a gwragedd gweddw.

3. Costau Gweinyddol Eraill

		1999-00
	£000	£000
Rhenti o dan brydlesi gweithredu:	29	29
Eitemau nad ydynt yn arian parod:		
Cost tâl Cyfalaf *	-	
Cyflog y Comisiynydd	5	5
Gwariant arall:		
Ffioedd archwiliad allanol	4	
Ymgynghoriaeth Cynghorwyr Proffesiynol Allanol	3	
Teithio a chynhaliaeth	7	
Lletygarwch	1	
Tâl gwasanaeth am ddefnyddio asedau sefydlog	11	
Cyflenwadau swyddfa, offer, gwasanaethau a hyfforddiant	36	
		62
		96

* Cost tâl cyfalaf yw -£72

4. Incwm Gweithredu

Nid yw Swyddfa Comisiynydd Gwasanaeth Iechyd Cymru yn codi ffioedd am ymchwilio i gwynion ac felly nid oes gan y Swyddfa incwm gweithredu. Ymdrinnir ag arian amrywiol a dderbynnir fel CFER a'i drosglwyddo i'r Gronfa Gyfunol yn y flwyddyn ddilynol. Ni dderbyniwyd incwm o'r fath yn ystod y flwyddyn.

5. Cysoni Costau Gweithredu Clir ag Alldro Adnoddau Clir

	1999-00
	£000
Cost weithredu glir	256
Llai: - Gwariant ar gyflenwi a gwariant arall y tu allan i'r gyllideb adnoddau	(5)
Ychwanegu: - Incwm gweithredu nas dosberthir fel Neilltuadau arian mewn cymorth ac nid o ran gwariant cyhoeddus wedi'u sgorio fel Derbyniadau Ychwanegol y Gronfa Gyfunol	-
Alldro adnoddau clir	251

6. Symudiadau mewn Cyfalaf Gweithredol Ar Wahân i Arian Parod

	1999-00
	£000
Cynnydd / (gostyngiad) mewn dyledwyr	8
(Cynnydd) / gostyngiad mewn credydwyr	(10)
Symudiad clir mewn cyfalaf gweithredol nad yw'n arian parod	(2)

7. Dyledwyr

	1999-00
	£000
Symiau a ddaw'n ddyledus o fewn blwyddyn:	
Benthyciadau a blaensymiau i staff*	-
Rhagdaliadau ac incwm cronodig	8
	8

* Mae benthyciadau i staff yn dod i £359

8. Arian yn y Banc ac mewn Llaw

Ni fu unrhyw arian gan Swyddfa Comisiynydd Gwasanaeth Iechyd Cymru yn y banc ar gyfer y cyfnod a ddaeth i ben ar 31 Mawrth 2000. Gwnaed yr holl daliadau gan Swyddfa Comisiynydd Seneddol Lloegr dros Weinyddu a'r Gwasanaeth Iechyd ar ran Comisiynydd Gwasanaeth Iechyd Cymru.

Roedd balans arian parod mewn llaw o £65 ar 31 Mawrth 2000. Cynhwysai hyn stampiau a chredyd mewn perthynas â'r peiriant ffrancio.

9. Credydwyr: Symiau a ddaw'n ddyledus o fewn blwyddyn

	1999-00
	£000
Credydwyr amrywiol	-
Croniadau ac incwm gohiriedig	10
Cyfanswm sy'n ddyledus o fewn blwyddyn	10

10. Ymrwymiadau O Dan Brydlesi Gweithredu

	1999-00	
	Adeiladau £000	Arall £000
Ar 31 Mawrth 2000 roedd y Swyddfa wedi ymrwymo i wneud y taliadau canlynol yn ystod y flwyddyn nesaf mewn perthynas â phrydlesi gweithredu'n dod i ben:		
O fewn blwyddyn	-	-
Rhwng dwy a phum mlynedd	-	3
Ar ôl pum mlynedd	27	-
	27	3

11. Rhwymedigaethau Achlysurol

Ar 31 Mawrth 2000, nid oedd unrhyw rwymedigaethau achlysurol.

12. Ymrwymiadau Cyfalaf

Ar 31 Mawrth 2000, nid oedd unrhyw ymrwymiadau cyfalaf.

13. Cysoni'r gost weithredu glir â newidiadau yn y gronfa gyffredinol

	1999-00 £000
Cost gweithredu glir ar gyfer y flwyddyn (Atodlen 2)	(256)
Cyllid gan Gynulliad Cenedlaethol Cymru	249
Cyllid nas dyfarnwyd o'r Gronfa Gyfunol	5
Taliadau nad oeddent yn daliadau arian parod:	
Cost cyfalaf	-
Gostyngiad clir yn y gronfa gyffredinol	(2)
Cronfa Gyffredinol ar 1 Gorffennaf 1999	-
Cronfa Gyffredinol ar 31 Mawrth 2000 (Atodlen 3)	(2)

14. Paratoi Crynodeb Alldro Adnoddau

Mae gan y Swyddfa un brif nod, sef ymdrin â phob cwyn a gyfeirir at y Swyddfa'n ddiuedd, yn wrthrychol, yn effeithiol ac yn gyflym. Dyrennir y gost y mae'r Swyddfa'n mynd iddi wrth gyflawni'r nod hon fel a ganlyn.

Priodolir costau sy'n ymwneud yn benodol â Swyddfa Comisiynydd Gwasanaeth Iechyd Cymru yn uniongyrchol i'r adrannau hynny.

Priodolir costau gweinyddol a chostau sefydlu i Swyddfa Comisiynydd Gwasanaeth Iechyd Cymru yn unol â gweithdrefnau cyfrifo rheoli'r Swyddfa. Rhifau personol yw'r prif sbardun cost a ddefnyddir ar gyfer dyrannu'r costau anuniongyrchol hyn.

Ceir disgrifiadau llawn o nodau strategol Swyddfa Comisiynydd Gwasanaeth Iechyd Cymru yn y Rhagair i'r cyfrifon hyn.

15. Trafodion Partïon Cysylltiedig

Ar hyn o bryd Comisiynydd Gwasanaeth Iechyd Cymru yw'r Comisiynydd Seneddol dros Weinyddu a Chomisiynwyr Gwasanaeth Iechyd Lloegr hefyd. O ganlyniad ystyrir bod Swyddfa'r Comisiynydd Seneddol dros Weinyddu a Chomisiynwyr y Gwasanaeth Iechyd a Swyddfa Ombwdsmon Gweinyddiaeth Cymru yn bartion cysylltiedig y bu gwahanol drafodion pwysig â hwy yn ystod y flwyddyn. Yn ogystal cafodd Swyddfa Gwasanaeth Iechyd Cymru nifer fach o drafodion gydag Adrannau eraill o'r Llywodraeth a chyda chyrrff eraill llywodraeth ganolog. Bu nifer o'r trafodion hyn gydag Awdurdodau'r Gwasanaeth Iechyd. Nid ymgwymerodd ef na'r Comisiynydd Seneddol dros Weinyddu nac unrhyw aelod o'r Grŵp Rheoli nac unrhyw aelod allweddol o'r staff rheoli ag unrhyw drafodion pwysig gyda'r Swyddfa yn ystod y cyfnod a gwmpesir gan yr adroddiad.